

Tremendo show di "King of Pop" Michel Jackson presenta pa e hoben Arubiano Boris Alexis Wever



Boris Alexis Wever ta un hoben cu a cuminsa imita Michael Jackson na Aruba riba Tattoo party boat di e compania "Aruba Adventure". Na su inicio e tabata traha como un dancer MJ impersonator.

Di semper Michael Jackson tabata su idolo pero nunca el a pensa cu e lo tabata di bay imit'e. Tambe el a yega di baila den varios grupo na Hulanda, y despues Boris Alexis a bin Aruba y hopi turista mericano a cuminsa bise cu e ta parse Michael Jackson masha hopi mes. Door di e comentarionan aki el a cuminsa traha mas

riba su coreografia y su imagen. Tur dia e ta dedica hopi di su tempo pa imita e artista Michael Jackson, pa asina e haya e baila esaki mas perfecto cu ta posibel. Un di su secretonan pa e prepara su mes ta cu semper el a graba su mes y controla su baile riba video pa asina e retu su persona di duna un presentacion mas profesional y yega mas cerca di e nivel halto di Michael Jackson. Su soño ta pa representa Aruba den exterior pa muestra e talento cu hobennan Arubiano ta dispone. E diasabra aki e ta

bay presenta su show riba e barco Freewinds pa asina muestra pueblo di Aruba su talento y e rumbo positivo cu nos hobennan ta tumando den e mundo di Arte. E ta preparando

e show aki pa prome biaha na nos hendenan local ya cu e tin 6 aña ta presentando como Michael Jackson dilanti turista. E evento aki ta un fundraising pa asina recauda fondo pa e por representa Aruba den mercado internacional. Asina mundo henter por admira e talento di nos hobennan Arubiano como tambe hiba e nomber di Aruba na halto.

E lo ta un show tremendo di e "King of pop" y lo tin banda cu lo toca en bibo. Lo ta un show cu baile, cu musica y hopi mas creatividad! Pa e anochi aki bo lo wordo deleita cu canticanan cu a haci Michael Jackson famoso den e decada di 80. Esaki lo ta un "come back tribute" y tur hende ta bon bini pa precencia e espectáculo aki, ya cu esaki lo bira un anochi unico no lo tin un otro mane esaki. Na tur e fanaticonan di Michael Jackson lo por tin e honor di presencia e concierto aki cu lo wordo duna pa un hoben arubiano cu parse Michael Jackson hopi y cu ta dedica tur su tempo pa baila mescos cune. Pa e anochi aki mucha bou di 8 aña ta drenta gratis. No perde e show aki cual lo



wordo presenta pa prome biaha riba Freewinds y drenta den e mundo di fantasia y magia di e icono di pop di siglo 20!

Caarchi ta obtenibel na Gallo Rojo San Nicolas. Tambe lo tin carchi disponibel e anochi di e espectáculo na porta.

Su mensahe pa hubentud den movecion ta: "Pa tur hoben

di Aruba sigi nan soño y bin presencia e anochi unico aki pa asina experiencia mi preparacion y di por logra un di mi soñonan wordo realisa, y cu tur hoben por anima nan mes di lucha pa nan meta, mescos cu ami ta luchando pa logra dimes."

